



ՔԱՀԱՆԱՅԱԿԱՆ ՁԵՌՆԱԴՐՈՒԹՅՈՒՆ Ս. ԳԱՅԱՆԵ ՎԱՆՔՈՒՄ

Հունիսի 4-ին, երեքշաբթի օրը, Ս. Գայանե վանքում, ձեռամբ Ամերիկայի Միացյալ Նահանգների հայոց արևմտյան թեմի առաջնորդ գերշ. Տ. Վաչե արքեպս. Հովսեփյանի, քահանայական կոչում և ձեռնադրություն ստացավ Նյու Յորքի Ս. Ներսես կրթօջախի շրջանավարտ Հակոբ սարկավագ Տիմկիլյանը:

Հունիսի 3-ին, երկուշաբթի օրը, երեկոյան, տեղի ունեցավ «Յերեկոյէ կոչումն քահանայութեան» կարգը՝ խարտավիլակությամբ Տ. Աբել վրդ. Օղկոչումն քահանայութեան» խորհրդի հոգևոր-իմացական պատրաստվածության լուգյանի, որը վկայեց նորընծայի հոգևոր-իմացական պատրաստվածության և արժանիքների մասին: Ապա նորընծան ուխտեց «յանձն առնուլ և կատարել զամենայն հրամանս սրբոց առաքելոցն և հայրապետացն և կալ ըստ կանոնաց նոցա»:

Կոչման արարողության ավարտին նորընծան հրապարակավ արտասանեց Հայաստանյայց Առաքելական Եկեղեցու «Հաւատոյ խոստովանութիւն»-ը՝ ըստ Գրիգոր Տաթևացու սահմանած բանաձևի:

Մայիսի 4-ին, երեքշաբթի օրը, Ս. Գայանե բազմադարյան վանքում ս. պատարագ մատուցեց Տ. Վաչե արքեպս. Հովսեփյանը:

Ս. պատարագը շարունակվեց մինչև «Զի ողորմած և մարդասէր ես Աստուած» աղոթքը:

Նորընծան, Աբել վարդապետի առաջնորդությամբ, ծնրադիր բարձրացավ Ավագ խորան և, հավատացյալների խոսներամ բազմությանը դառնալով, բարձրացրեց իր ձեռքերը՝ ի նշան աշխարհից հրաժարվելու:

Օծման խորհրդավոր պահն է: Ձեռնադրող սրբազանը սրբալույս մեռնող օծում է նորընծայի ճակատը և աջ ձեռքը՝ վերանվանելով նրան Տ. Ստեփանոս քահանա:

Ապա նորընծան, դառնալով ժողովրդին, տալիս է իր առաջին օրհնությունը՝ «Խաղաղություն ամենեցուն»:

Զեռնադրության սրբազան արարողության վերջում Տ. Վաչե սրբազանը բովանդակալից ու խրախուսական շնորհավորական քարոզով դիմում է նորած քահանային՝ նրան ցանկանալով համբերություն, առավել նվիրում, կարողություն՝ փառավորելու իր սրբազան կոչումը՝ ի պաշտոնություն մեր Ա. Եկեղեցու:

«Ողջոյն»-ի պահին պատարագիչ սրբազան հայրը ողջագործվում է նորընծային: Նրան հետևում են բոլոր «քահանայք և սարկաազք»:

Նորընծա քահանային մատրում ենք՝ լինել «մշակ առանց ամօթոյ»:

